

les 10 premier jours de Dhul Hijjah

Takbeer-e-Tashreeq

&

Al Ud-hiyyah
(Qurbâniy)



Préparé par:

Saleem Dhonye

Publication de:

Minhaaj Us Sunnah

Les dix premier jours du mois Dhul Hijjah

Takbiir ut Tashriiq & Al Ud-hiyyah (Qurbâniy)

اللَّهُ أَكْبَرُ اللَّهُ أَكْبَرُ لَا إِلَهَ إِلَّا اللَّهُ
وَاللَّهُ أَكْبَرُ اللَّهُ أَكْبَرُ وَلِلَّهِ الْحَمْدُ

Préparé par: *Saleem Dhonye*

Publication de: Minhaaj Us Sunnah

L'année de publication: Aout 2018 / Dhul Hijjah 1439 H.

Tel: 59 16 84 85

Mail: dhonyesaleemm@yahoo.com

website: minhaaj.org

Les dix premier jours spéciales de Dhul Hijjah :

Les dix premier jours du mois Dhul Hijjah ena beaucoup l'importance dans Deen. C'est bann plus meilleurs jours dans enn l'année. Li recommandé faire beaucoup Ibâdat, Zikr et Tilâwat la-dans. Le jour de Eid Al Ad-hâ li considéré comme enn grand jour de contentement. Eid ul Fitr et Eid ul Adhâ c'est deux fêtes choisi par Allâh et So messenger ﷺ pou bann Musulmans.

Hazrat Ibn Abbâs رضي الله عنه rapporté qui Rasoulullah ﷺ finn dire :

ما من أيام العمل الصالح فيها أحب إلى الله من هذه الأيام - يعني أيام العشر - قالوا يا رسول الله ولا الجهاد في سبيل الله ؟ قال ولا الجهاد في سبيل الله إلا رجل خرج بنفسه وماله ثم لم يرجع من ذلك بشيء

« Pas ena aucaine jour qui faire bon action la-dans li plus aimé auprès Allah qui ces dix jours ». Bann Sahabas finn demandé : Même pas Jihâd dans chemin Allah ? Rasoulullah ﷺ réponde : « Même pas Jihâd dans chemin Allah, excepté la personne sorti avec so la vie et so du-bien (pour Jihâd) puis li pas retourne avec narien ».

(Sahiih Boukhâriy)

Hazrat Abdullâh Ibn Umar رضي الله عنه rapporté :

ما من أيام أعظم عند الله ولا أحب إليه العمل فيهن من هذه الأيام العشر، فأكثروا فيهن من التهليل والتكبير والتحميد

« Pas ena aucaine jour plus grand auprès Allah et ni aucaine 'amal plus aimé auprès Li dans bann jours qui ces dix jours (Dhul Hijjah). Alors récite beaucoup '*Laa ilâha Illallâh*', '*Allâhou Akbar*' et '*Alhamdulillâh*' ».

(Musnad Imam Ahmad)

Imam Boukhâriy rapporté:

كان ابن عمر وأبو هريرة رضي الله عنهما يخرجان إلى السوق في أيام العشر يكبران ويكبر الناس بتكبيرهما

Ibn Umar et Abou Hurayrah رضي الله عنهما zott ti pe sorti vers bazar dans les dix jours de Dhul Hijjah en récitant '*Allâhou Akbar*' et bann dimounes aussi ti pe faire Takbiir quand ti pe tend zott Takbiir.

Rasoulullah ﷺ dire :

صيام يوم عرفة احتسب على الله أن يكفر التي قبله والسنة التي بعده

«Roza du jour 'Arafa, mo espéré Allah expie péché de l'année précèdent et l'année suivant».

(Sahiih Mouslim)

Faziilat la nuit de Baqr'Eid :

Abou Umâmah رضي الله عنه rapporté qui le prophète ﷺ dire :

من قام ليلتي العيدين محتسبا لم يموت قلبه يوم تموت القلوب

« Celui qui faire Namâz dans les deux nuits de deux Eid (Al Fitr et Ad-hâ), so le cœur pas pour mort jour qui bann le cœurs pour mort ».

(Sunan Ibn Mâjah)

Imâm Ibn Nujaym écrire:

ومن المندوبات إحياء ليلي العشر من رمضان، وليليتي العيدين، وليالي عشر ذي الحجة، وليلة النصف من شعبان

Parmi bann actions recommandés, c'est faire namâz dans les 10 nuits de Ramadân, deux nuits de deux Eid, 10 nuits de Dhul Hijjah, 15ème nuit de Sha'baan.

(Al Bahr ul Râiq)

Allâmah Hassan Shurunbulâliy:

ونذب إحياء ليلي العشر الأخير من رمضان وإحياء ليلتي العيدين وليالي عشر ذي الحجة وليلة النصف من شعبان

Li recommandé faire Namâz dans 10 dernier nuits de Ramadân, faire Namâz dans deux nuits de deux Eid, les 10 nuits de Dhul Hijjah et 15ème nuit de Sha'bân

(Nur ul Iydwâh)

Takbiir ut Tashriiq – تكبير التشریق

اللَّهُ أَكْبَرُ اللَّهُ أَكْبَرُ لَا إِلَهَ إِلَّا اللَّهُ
وَاللَّهُ أَكْبَرُ اللَّهُ أَكْبَرُ وَلِلَّهِ الْحَمْدُ

Allâhou Akbar - Allâhou Akbar - Laa Ilâha Illâhou - Wallâhou Akbar - Allâhou Akbar – Wa lillâhil Hamd.

Façon lire Takbiir-e-Tashriiq :

Nous commence lire Takbiir-e-Tahriiq à partir de 9 Dhul Hijjah depuis Namâz Fajr et nous termine 13 Dhul Hijjah Namâz Asr. Au total de 23 Namâz.

Masla : Li Wâjib récite enn fois après Namâz qui faire avec Jama'at et 3 fois li meilleur.

Masla : Takbiir-e-Tashriiq li vinn Wâjib tout de suite après Salâm de Namâz qui faire en Jama'at.

Masla : Si parmi bann jours de Tashriiq finn gagne jour Jumu'ah, li toujours Wâjib pour réciter. Pas ena Takbiir-e-Tashriiq après Namâz Nafl, Sunnah et Witr. Nous récite Takbiir-e-Tashriiq après Namâz Eid AlAd-hâ aussi.

Masla: Enn personne finn rentre en retard dans Namâz enJama'at dans bann jours de Takbiir-e-Tashriiq, Alors après li termine so Namâz li récite so Takbiir-e-Tashriiq.

(Ad Durrul Mukhtâr)

Définition linguistique de Al Ud-hiyyah :

الأضحية : *Al Ud-hiyyah* - so pluriel c'est: الأضاحي : *Al Adwâhiyy*.

(Ud-hiyyah) li nom pour cequi pe être égorgé dans bann jours Ad-hâ. Ena finn dire : Douhâ, quand égorge Al Ud-hiyyah (l'animal Qurbaniy) l'heure de Douhâ (Le jour montant), ça so origine.

Finn aussi dire : Ce terme li désigne à l'animal qui sacrifié dans n'import qui l'heure dans jours de Tashriq. Ena finn dire: Li ena relation avec Ad-hâ (Sacrifice).

(Al Fiqh Al Hanafiy Fii Thawbihil Jadiid)

Qurbaniy / Ud-hiyyah dans Sharii'ah:

Faire Zabah animal spécifique avec Niyyat Ibâdat dans enn l'heure spécifique.

Pas gagne récompense Ud-hiyyah/Qurbaniy sans Niyyat Ibâdat. L'action pas vinn Ibâdat sans Niyyat. Alors bizin faire Niyyat Qurbâniy.

Donc, Ud-hiyyah c'est nom de l'animal qui pe faire Zabah dans les jours de Nahr avec Niyyat Ibâdat pour Allah.

(Al Fiqh Al Hanafiy Fii Thawbihil Jadiid)

Le début du Qurbâniy :

Allâh raconté dans Qur'ân :

وَقَالَ إِنِّي ذَاهِبٌ إِلَىٰ رَبِّي سَيِّدِينَ ﴿٩٩﴾ رَبِّ هَبْ لِي مِنَ الصَّالِحِينَ ﴿١٠٠﴾
فَبَشَّرْنَاهُ بِغُلَامٍ حَلِيمٍ ﴿١٠١﴾ فَلَمَّا بَلَغَ مَعَهُ السَّعْيَ قَالَ يَبْنَئِي إِنِّي
أَرَىٰ فِي الْمَنَامِ أَنِّي أَذْبَحُكَ فَانْظُرْ مَاذَا تَرَىٰ ۚ قَالَ يَتَأْتٍ أَفْعَلُ مَا
تُؤْمَرُ ۖ سَتَجِدُنِي إِن شَاءَ اللَّهُ مِنَ الصَّابِرِينَ ﴿١٠٢﴾

فَلَمَّا أَسْلَمَا وَتَلَّهُ لِلْجَبِينِ ﴿١٠٣﴾ وَنَدَيْنَاهُ أَنْ يَتَّيِبْ لَهُمْ ۖ قَدْ صَدَّقْتَ
الرُّيَا ۖ إِنَّا كَذَلِكَ نَجْزِي الْمُحْسِنِينَ ﴿١٠٥﴾ إِنَّ هَذَا لَهُوَ الْبَلَاءُ الْمُبِينُ ﴿١٠٦﴾
وَفَدَيْنَاهُ بِذَبْحٍ عَظِيمٍ ﴿١٠٧﴾ وَتَرَكْنَا عَلَيْهِ فِي الْآخِرِينَ ﴿١٠٨﴾ سَلَّمَ عَلَى
إِبْرَاهِيمَ ﴿١٠٩﴾ كَذَلِكَ نَجْزِي الْمُحْسِنِينَ ﴿١١٠﴾ إِنَّهُ مِنْ عِبَادِنَا الْمُؤْمِنِينَ

Et li (Ibrâhiim) finn dire: Mo pour alle vers mo Rabb, maintenant Li pour guide moi. O mo Rabb ! donne-moi enn bon zenfant. Alors nous finn annonce li la bonne nouvelle pour enn garçon patient. Puis, quand li finn vinn capable pour travaille avec li, li (Ibrâhiim) finn dire : « O mo garçon ! Mo finn rêvé qui mo pe faire to Zabah. Maintenant guetté toi, qui to l'opinion ? ». Li (garçon-là) finn dire : « O mo papa ! Faire cequi to finn gagne l'ordre pour faire. Si Allâh oulé, to pour trouve moi parmi bann qui ena patience ».

Alors quand les deux finn soumettre à Mo l'ordre et papa-là finn mettre li (le garçon) par front embas. Et Nous finn appelle li, qui : « O Ibrâhiim ! sans doute to finn realise to rêve. Comme-ça même Nous récompense bann bienfaisants ».

Sans doute, ça ti enn épreuve claire. Et Nous finn ransomme li par enn grand sacrifice. Et Nous finn laisse so éloge parmi les prochaines générations. La paix lors Ibrâhiim. Comme-ça même nous récompense bann bienfaisants. Sans doute li parmi nous bann adoreurs croyants de dignité excellente.

(S : 37 – V : 99-111)

Histoire Qurbaniy de Sayyidunâ Ibrâhiim عليه السلام :

Le 8 Dhul Hijjah, Sayyidunâ Ibrâhiim عليه السلام finn trouve dans so rêve qui quelqu'un pe dire li faire Qurbaniy : « O Ibrâhiim ! faire Qurbaniy ». Quand li finn réveillé le matin, li finn faire Qurbaniy cent chameaux. Prochaine nuit, li finn gagne

message dans so rêve : « O Ibrâhiim ! faire Qurbaniy ». Le matin li finn réveillé li finn sacrifié deux cents chameaux. Li re-gagne même message pour faire Qurbâniy lors troisième nuit. Sayyidunâ Ibrâhiim عليه السلام dire : « O Allah ! Qui Qurbaniy mo faire dans to chemin ? ». A ce moment, Allah dire li : « Faire Qurbaniy pour kitchose to plus content lors Duniya ».

Sayyidunâ Ibrâhiim عليه السلام finn comprend qui ça l'ordre-là li concerne so garçon Isma'il عليه السلام . Sayyidunâ Ibrâhiim عليه السلام finn tenir ferme pour faire so Qurbaniy plus qui c'était l'ordre Allah.

Le 10 Dhul Hijjah, Hazrat Ibrâhiim عليه السلام finn demande so madame Hâjirah هاجرته pour prépare so garçon bien car li invité cote le très grand roi. Hazrat Hajirah هاجرته finn habille so garçon pour li alle avec so papa. Puis les deux finn dirige vers Mina. Shaytân finn oulé arrête Sayyidunâ Ibrâhiim عليه السلام exécute ça grand action-là pour Allah et li finn alle mettre temptation dans le cœur Sayyida Hajirah هاجرته , li finn raconte li tous et qui c'est Allah finn ordonne Sayyidunâ Ibrâhiim عليه السلام pour tuer to garçon. Hazrat Hâjirah هاجرته réponde : Même mo ti ena mile garçons, mo ti pour faire tous Qurbaan pour Allah.

Sans perdit le temps, Shaytân vinn cote Ismâ'il عليه السلام pour influence li. Mais, li pas finn capave influence Ismâ'il عليه السلام . Shaytân alle cote Ibrâhiim عليه السلام pour embête li afin qui li pas exécute l'ordre Allah. Trois fois Shaytân finn essaie influence Sayyidunâ Ibrâhiim عليه السلام et à chaque fois Hazrat Ibrâhiim عليه السلام finn battre li avec 7 coup roches. Et lors troisième fois Shaytân finn sauvé sans retour.

Arrivant en Mina, Hazrat Ibrâhiim عليه السلام finn informe so garçon a propos so rêve, Ismâ'il عليه السلام réponde : O mo papa ! bien sûr, faire cequi Allah finn ordonne ou. Mo pas pour pleurer, ni crier , ni

plaindre. Inshaa Allah to pour trouve moi parmi bann qui ena patience.

Alors bann-la finn soumette à l'ordre Allah. Ibrâhiim عليه السلام finn place so garçon par so front . Li finn oulé faire so Zabah par so nuque pour qui li pas trouve so figure et li finn attache so les yeux.

Mujâhid, Qatâdah et Al Dwahhâk rapporté : Bann-la finn soumettre, Ibrâhim عليه السلام finn faire Bismillah et Allâhou Akbar. Li finn passe couteau lors so li cou, mais li pas finn coupé.

Couteau pas finn coupé lors premier et deuxième fois. Lors troisième essaie pour coupe li coup de so garçon, li finn senti li coupé. Quand li finn retire so bandage lors so les yeux, surpris li finn trouve so garçon deboute a coté et ti ena enn mouton embas so couteau. C'était enn mouton couleur blanc avec deux corne qui Jibriil عليه السلام finn amené depuis dans Jannat. Alors finn faire appelle depuis Allah : « ***O Ibrâhiim ! sans doute to finn réalise to rêve*** ». Veut dire Hazrat Ibrâhiim عليه السلام finn arrive lors but depuis so l'obéissance vers So Rabb.

L'ordre Qurbâniy / Ud-hiyyah dans Qur'ân :

Allâh dire dans Qur'ân :

فَصَلِّ لِرَبِّكَ وَأَنْحَرْ

« *Alors to faire Namaaz pour to Rabb et faire la sacrifice* ».

Qurbâniy / Ud-hiyyah dans Hadiith :

Sayyidunâ Anas رضي الله عنه rapporté :

ضحى النبي صلى الله عليه وسلم بكبشين أملحين، فرأيته واضعاً قدمه على صفاحهما يسمى ويكبر فذبحهما بيده

Rasoulullah ﷺ finn faire Qurbaniy avec deux béliers couleur noir et blanc, mo ti trouve li pose so li pied lors zott flancs, li finn faire Bismillâh, li finn faire Takbiir et li finn faire zott Zabâh avec so la main.

(Sahiihayh)

Hazrat Umm-e-Salamah رضى الله عنها rapporté qui Rasoulullah ﷺ finn dire :

من كان له ذبح يذبحه فإذا أهلّ هلال ذي الحجة فلا يأخذن من شعره ولا من أظفاره شيئاً حتى يضحي

Celui qui ena enn animal à égorgé, lorsque la lune Dhul Hijjah apparaitre, alors li pas coupe narien depuis so cheveux et ni de so bann zongles jusqu'à li fini égorge so Ud-hiyyah.

(Sahiih Mouslim)

Sayyidunâ Baraa bin 'Aazib رضى الله عنه rapporté qui Rasoulullah ﷺ finn dire:

من ذبح قبل الصلاة فإنما يذبح لنفسه، ومن ذبح بعد الصلاة فقد تم نسكه وأصاب سنة المسلمين

Celui qui finn égorge so animal avant Namâz (Eid), li finn égorge juste pour li. Tandis que celui qui finn égorge après Namâz (Eid), li finn complète so sacrifice et li finn concrétise le Sunnah de bann Musulmans.

(Sahiih Boukhâriy)

Zayd bin Arqam rapporté qui bann Sahabas finn demande Rasoulullah ﷺ : Yaa Rasoulallah qui été ça 'Adwaahiyy' (bann Qurbaniy) ? ».

Rasoulullah ﷺ dire :

سنة أبيكم إبراهيم
C'est Sunnah de zott papa Ibrahiim.

Bann Sahabas ﷺ finn demandé: Yaa Rasoulallah ! Qui nous pour gagner la-dans ?

Rasoulallah ﷺ dire :

بكل شعرة حسنة

Pour chaque cheveu enn récompense.

Bann Sahabas ﷺ demandé :

Alors pour le mouton ?

Rasoulallah ﷺ dire :

بكل شعرة من الصوف حسنة

Pour chaque cheveu depuis enn mouton ena enn récompense.

(Musnad Imam Ahmad et Sunan Ibn Majah)

Hazrat Ayshâ ﷺ rapporté qui Rasoulallah ﷺ finn dire:

ما عمل ابن آدم يوم النحر عملاً أحب إلى الله عزوجل من إهراق الدم وإنها لتأتي يوم القيامة بقرونها وأشعارها وأظلافها وأن الدم ليقع من الله بمكان قبل أن يقع من الأرض فطيبوا بها نفساً

Jour Baqr'Eid pas ena aucaine action de zenfant Aadam plus aimé auprès Allah qui verse du sang. Jour Qiyâmah, ça animal pour vini avec so cornes, avec so cheveux et avec so sabots. Sans doute, le sang li gagne l'acceptance auprès Allah avant li tombe lors la terre.

(Tirmidhi / Sunan Ibn Majah)

Hazrat Hanash ﷺ rapporté qui li finn trouve Hazrat Aliy ﷺ pe faire Zabah deux moutons. Alors mo finn demande li : Qui été ça ? li réponde :

إن رسول الله أوصاني أن أضحي عنه فأنا أضحي عنه

Rasoulullah ﷺ finn conseil moi pour faire Qurbaniy pour li, alors mo pe faire Qurbaniy de so part.

(Sunan Abiy Dâwood)

Hazrat Abou Hurayrah رضى الله عنه rapporté qui Rasoulullah ﷺ finn dire:

من وجد سعة ولم يضحّ فلا يقربن مصلانا

Celui qui ena le moyen (pour faire Qurbaniy) et li pas faire, alors li pas approche avec nous Muswalla.

(Sunan Ibn Mâjah)

Bann conditions qui faire Qurbaniy vinn Wâjib :

1. **Islâm.** Veut dire lors enn Musulman, Qurbaniy pas Wâjib lors non-musulman.
2. **Iqâmat.** Veut dire résident. Qurbâniy pas Wâjib lors Musâfir (Shar'iy).*
3. **Mâlik-e-Nisâb.** Lors celui qui Sadaqa-e-Fitr Wâjib pas lors celui qui Zakat Wâjib.
4. **Hurr.** Veut dire li libre. Qurbaniy pas Wajib lors l'esclave. L'esclave li pas ena même du-bien, alors Ibâdat de Maal pas Wâjib lors li.

-Li pas enn condition pour être homme. Li Wâjib lors madame pareille comment li Wâjib lors missier. Li pas Wâjib lors mineur et ni li Wâjib lors so papa pour faire Qurbâniy de so part.

(Al Durr ul Mukhtâr)

***Musâfir Shar'iy** (celui qui considéré enn voyageur par Shariat), li celui qui voyage avec l'intention pour faire enn trajets de:

4 Bariid (pl. Burud) /16 Farsakh, 1 Bariid = 4 Farsakh, 1 Farsakh li = 3 miles.
16 Farsakh X 3 miles = 48 miles (Hashimiy) environs, 48 Miles = 83.5 Kms.

Li pour considéré comme enn voyageur dès qui li quitte so l'endroit. Toute fois, si li ena l'intention réside enn place pour 15 jours ou plus, li pour ne plus Musâfir.

(Fatâwâ Al Misriyyah)

Ibn Umar رضي الله عنه rapporté:

أقام رسول الله صلى الله عليه و سلم بالمدينة عشر سنين يضحي

Rasoulullah ﷺ finn reside dans Madiinah dix ans et li ti pe faire Qurbaniy.

(Tirmidhi)

Masla : Même si li pas Wajib lors Musafir, mais li capave faire Qurbaniy comme Nafl.

Qui sann-la Mâlik-e-Nisâb :

Sahib-e-Nisâb ou Mâlik-e-Nisâb li celui qui possède 71 ½ Tolas (environs 87.48 grammes) ou plus de l'or.

Ou-bien 52 ½ Tolas (environs 612.36 grammes) ou plus de l'argent (Silver) en forme de bijoux ou-bien ustensiles.

Ou-bien li possède zott équivalent en l'argent liquide.

Masla : Quand enn dimoune vinn Sâhib-e-Nasâb, li Wâjib pour li faire Qurbaniy lors so nom ça l'année-là. Ensuite, si l'année prochaine li encore Sâhib-e-Nisâb, li encore Wâjib pour li re-faire Qurbâniy lors so nom. Si chaque l'année li Sâhib-e-Nisâb, chaque l'année li bizin faire Qurbâniy lors so nom.

Masla : N'import qui sann-la possède Nisâb jours Qurbâniy (10ème,11ème,12ème Dhul Hijjah), Qurbâniy Wâjib lors zott. Chaque membre adulte de la famille lors celui qui Sadaqa-e-Fitr Wâjib, li bizin faire so Qurbâniy séparement.

Masla : Li Wâjib pour faire Qurbaniy dans so bann jours. Si enn personne faire Sadqah (donne donation) l'animal vivant ou donne so équivalent en cash liquide, la personne pas finn accomplit so Wâjib.

Masla : Si jour Qurbaniy finn traversé et enn personne pas finn reussi faire Qurbaniy pour enn raison (valable), alors dans ce cas li bizin faire Sadqah l'animal ou so équivalent en liquide.

Par contre sans raison valable, si li pas faire Qurbaniy dans bann jours Qurbaniy, mais si li faire Sadqah, li pas acceptable.

Masla : Bann jours Qurbaniy finn traversé et la personne pas finn faire Qurbaniy, ni li finn faire Sadqah l'animal et ni li finn donne Sadqah l'équivalent en cash liquide. Arrive prochaine Baqr'Eid et li souhaite faire Qaza Qurbani qui finn passé. Li pas permet faire Qaza Qurbaniy. Donc, li faire Sadqah l'animal vivant ou so équivalent en cash.

Masla : Si enn Malik-e-Nisâb au lieu faire Qurbâniy pour li, li pe faire Qurbâniy pour l'autre et li pas faire lors so nom, li vinn grand Gounehgâr. Alors, si li pe oulé faire Qurbâniy pour enn l'autre, li pour bizin prend enn deuxième part.

Masla : Ena dimoune ena le pensé qui Qurbâniy li Wâjib juste enn fois dans la vie. Li faut et infondé. Parcequi Mâlik-e-Nisâb li bizin faire Qurbâniy lors so nom chaque l'année.

(Ad Durrul Mukhtâr / Raddul Muhtâr / Fatâwâ Hindiyyah)

Qualité zanimeaux :

L'âge qui gagne droit faire Qurbaniy pour l'animal li comme suit :

Chameau : 5 ans ou plus
Vache etc : 2 ans ou plus
Cabri etc : 1 an ou plus

Note: Si l'animal so l'âge moins qui finn ordonné, Qurbâniy pas valide.

(Bahâr-e-Shariat)

Hazrat Jâbir رضي الله عنه dire :

أمرنا رسول الله صلى الله عليه وسلم أن نشترك في الأبل و البقر ، كل سبعة منا في بدنة

Rasoulullah ﷺ fin ordonné qui sept dimoun bizin participe dans enn chameau et enn bœuf pour Qurbâniy.

(Sahiih Boukhâriy)

Masla : Bann animaux qui ena enn seul part, li : Bouc, cabri, chèvre et mouton.

Bann animaux qui ena sept part, li : Chameau, bœuf, vache, génisse et taureau.

Masla : Faire Zabah avec bann zanimaux qui permet pour faire Zabah avec (comme en haut), pas les autres. Li Makrouh Tahreemiy pour faire Zabah avec poule ou coq car li enn imitation de bann Majous (adorateur du feu).

Masla : Bann zanimaux qui faire Qurbaniy bizin pas ena default. Si ena enn petit default, Qurbaniy pour compter mais li Makrouh. Si ena gros default pas pour capave faire Qurbâniy.

Masla : Li permet pour faire Qurbaniy avec enn zanimaux qui pas ti ena corne depuis so naissance. Si enn l'animal so corne fin cassé depuis so base, pas permet pour faire so Qurbaniy. Mais si enn bout corne fin cassé, li permet.

Masla : Bann animal qui zott les yeux travers pas capave servi pour Qurbaniy.

Masla : Li pas permet faire Qurbaniy avec bann zanimaux aveugle, borgne, très maigre, boiteux ou zott tellement malade qui zott incapable pour alle dans place qui pour faire Qurbaniy et aussi bann zanimaux qui zott zoreille et la queue fin coupé.

Masla : Si enn tier ou moins qui ça, so zoreille ou so la queue fin coupé, alors li permet faire Qurbaniy avec l'animal.

Masla : Enn animal qui pas ena les dents mais zott capave mange zott fourage, alors li permet faire zott Qurbaniy, sinon non.

Masla : Li pas permet faire Qurbaniy avec bann animaux qui zott nenez finn coupé.

Masla : L'animal qui mange seulement malpropreté, pas permet faire so Qurbaniy.

Masla : Enn personne finn acheté enn animal sans default. Après finn gagne enn default la-dans. Si la personne li Sâhib-e-Nisâb, li bizin acheté enn l'autre animal pour Qurbaniy. Mais si li pas Sâhib-e-Nasâb, dans ce cas li permet faire Qurbâniy avec ça même animal.

Masla : Li permet faire Qurbani avec enn mouton qui so la laine finn coupé.

Masla : Pendant enn personne pe lutter pour faire Qurbaniy et a cause de ça finn alle gagne enn default. Alors default dans ce cas li pas compté et capave faire Qurbaniy avec li.

Masla : Li pas permet faire Qurbaniy avec enn animal qui so la patte finn coupé.

Masla : Li makrouh pour tire du lait avec enn cabri ou vache qui finn acheté pour faire Qurbaniy.

Masla : Si enn personne Mâlik-e-Nisâb ti faire Mannat pour faire Qurbâniy. Dans ce cas, deux Qurbaniy vinn wajib lors li, enn pour Mannat et l'autre à cause Malik-e-Nisâb.

Masla : Dans enn animal de sept parts pour Qurbaniy capave prend part Aqeeqah aussi la-dans, car tous les deux zott action de Ibâdat.

(Al Fiqh Al Hanafiy fii Thawbihil Jadiid / Radd ul Muhtâr)

L'heure faire Qurbâniy:

Hazrat Barâ bin 'Aazib rapporté :

إنَّ أول ما نبدأ به في يومنا هذا أن نصلي ، ثم نرجع فننحر ، من فعله فقد أصاب سنتنا ومن ذبح قبل ، فإنما هو لحم قدمه لأهله ليس من النسك في شيء

Premier kitchose avec qui nous commence ça jour-là c'est nous accomplir Namâz (Baqr'Eid), ensuite nous retourné et nous faire sacrifice. Celui qui finn faire li, li finn atteindre nous Sunnah et celui qui finn faire Zabah avant (Namâz), c'est que de la viande li finn offert so famille, pas ena narien depuis Qurbâniy.

Sayyidunâ Baraa bin 'Aazib رضي الله عنه rapporté qui Rasoulullah ﷺ finn dire:

من ذبح قبل الصلاة فإنما يذبح لنفسه، ومن ذبح بعد الصلاة فقد تم نسكُه وأصاب سنة المسلمين

Celui qui finn égorge so l'animal avant Namaaz (Eid), li finn égorge juste pour li. Tandis que celui qui finn égorge apres Namaaz (Eid), li finn complète so sacrifice et li finn concrétise le Sunnah de bann Musulmans.

(Sahiih Boukhâriy)

Masla : Jour Qurbaniy li trois jours. Meilleur le premier jour. Comme-ça meme jour Tashrii li trois jours.

Masla : L'heure Qurbaniy commence depuis 10ème Zil Hajj jusqu'à 12ème Zil Hajj avant couchée du soleil. Mais li meilleur faire lors 10ème, puis 11ème et puis 12ème jour.

Masla : Li pas permet faire Qurbaniy avant Salât Eid. Bizin faire Qurbaniy apres Namaaz Eid.

Masla : Capave faire Qurbaniy le soir aussi mais li Makrouh pour faire li pendant la nuit.

Façon procède vers Zabah (Egorge l'animal) :

Avant faire Zabah, la personne li pour couper li deboute

en face de Qiblah et li récite :

إِنِّي وَجَّهْتُ وَجْهِيَ لِلَّذِي فَطَرَ السَّمَوَاتِ وَالْأَرْضَ حَنِيفًا
وَمَا أَنَا مِنَ الْمُشْرِكِينَ ﴿٧٩﴾

إِنْ صَلَاتِي وَنُسُكِي وَمَحْيَايَ وَمَمَاتِي لِلَّهِ رَبِّ الْعَالَمِينَ ﴿١٦٢﴾
لَا شَرِيكَ لَهُ، وَبِذَلِكَ أُمِرْتُ وَأَنَا مِنَ الْمُسْلِمِينَ ﴿١٦٣﴾

***Inni wadjah-tou wadj-hiya lilladhii fatwaras Samâwâti
wal Ardwa haniifanw wamaa ana minal mushrikiin.
Inna swalaatiy wa nousoukiy wa mahyaaya wa
mamaatiy lillâhi Rabbil Aalameen.
Laa shareeka lah, wa bi dhaalika oumirtou wa anaa
minal muslimeen.***

*Mo finn tourne mo visage sincèrement pour Celui qui finn créé les
ciels et la terre et mo pas parmi bann idolatres.*

*Sans doute, mo namâz, mo sacrifice, mo la vie et mo la mort li
appartenir à Allah, le Maître de l'univers. Li pas ena aucaine
associé, et par ça, mo finn être ordonné et moi, mo parmi bann ceux
qui soumettre à Allah.*

Puis allonge l'animal lors la terre, lors so coté gauche dans
enn façon qui so figure tourne vers Qiblah. La personne qui
pour faire Zabâh li pose so genoux droite lors l'épaule de
l'animal et li récite :

اللَّهُمَّ مِنْكَ وَلَكَ بِسْمِ اللَّهِ اللَّهُ أَكْبَرُ

Allâhoumma minka wâ lakâ – Bismillâhi Allâhou Akbar

*Oh Allâh! Ça li depuis Toi et li pour Toi – Allâh commencé par
le nom et Allâh Li plus Grand.*

Si Qurbâniy pour ou, alors après Zabah recite ce Du'â :

اللَّهُمَّ تَقَبَّلْ مِنِّي كَمَا تَقَبَّلْتَ مِنْ خَلِيلِكَ إِبْرَاهِيمَ وَ حَبِيبِكَ مُحَمَّدٍ صَلَّى اللَّهُ عَلَيْهِ وَسَلَّمَ

Allâhumma taqabbal minniy kamâ taqabbalta minn khalilika Ibrâhiim wa Habiibika Muhammad ﷺ.


O Allah ! accepté (Qurbâniy) depuis moi pareille comment to ti accepté depuis To Khaliil Ibrâhiim et To Habiib Muhammad ﷺ.

Et si pe faire Zabah de la part enn l'autre personne, alors dans place '*Minni*', li prend nom de la personne pe faire Qurbâniy (so nom et nom so papa).

(Bahâr-e-Shariat / Anwâr-ul-Hadeeth)

Explication:

Tant qui l'animal pas vinn frais veut dire tant qui l'animal so Rouh pas sorti complètement, pas coupe ni so li pied, ni tire la peau.



Masla : Li Mustahab pour celui qui finn faire Qurbâniy, li mange un peu de so la viande.

Partage la viande Qurbâniy :

Ibn Abbâs رضي الله عنه rapporté :

أكل هو الثلث، ويطعم من أراد الثلث، ويتصدق على المساكين بالثلث

Li mange 1/3 (la viande) li donne cequi li oulé 1/3 pour manger et li faire Sadqah 1/3 lors bann Miskeen.

(Al Wazâif / As Sirâj ul Wahhâj)

Partage la viande en trois parts :

1er part faire Sadqah pour bann pauvres.

2ème part partage la famille et amis.

3ème part garde pour la cage.

Masla : Li defendre pour donne la viande Qurbâniy bann non-musulman.

Masla : Si enn dimoune finn faire Qurbani de la part enn personne qui finn Inteqaal, li ena droit dispose la viande comment li oulé. Pas necessaire li partarge tous au pauvre.

Masla : Toute fois, si la personne finn intiqaal ti dire faire Qurbaniy pour moi, dans ce cas bizin faire sadqah la viande complètement aux pauvres.

Masla : Li nécessaire faire part égale dans enn animal cote ena plusieurs personnes finn prend part Qurbaniy. Pas ena droit partagé sans pèse lors balance a peu près. Li nécessaire pesé et partage égale.

La peau Qurbaniy

Masla : Enn dimoune capave servi la peau Qurbaniy pour li-meme. Example pour faire Muswalla ou pour pose so bann livres.

Masla : La viande Qurbaniy ena même règlement comme la peau Qurbaniy.

Masla : Si vendre la peau Qurbaniy en échange de l'argent cash, pas pour servi li personnellement ou-bien pas pour servi li lors famille, mais pour donne cet argent en Sadqah, alors li Jaaiz.

Masla : Pas ena droit donne narien depuis l'animal, la viande ou la peau comme salaire pour boucher ou la personne faire Zabah. Donne bann-la en tant enn la paie veut dire la vente.

Masla : Si pas finn donne le boucher en tant qui la paie, mais finn donne li pareille couma nous donne les autres musalmaan et paie le boucher depuis enn l'autre kitchose (hors d'animal Qurbaniy) li permis.

(Ad Durrul Mukhtâr / Fatawa Hindiyyah / Al Hidâyah)

Sept kitchose Makrouh dans enn animal pour manger:

كره رسول الله صلى الله عليه وسلم من الذبيحة سبعة أشياء الذكر ، والأنثيين ، والقبل ، والغدد ، والمرارة ، والمثانة ، والدم وزاد في الينابيع الدبر قال أبو حنيفة : أما الدم فحرام بالنص وأما الستة الباقية فمكروهة لأن النفس تستخبثها وتكرهها والله أعلم

Masla : Rasoulullah ﷺ ti détesté sept kitchoses depuis enn animal qui finn faire Zabah. Sexe du mal, testicules, vagin, glandes, vésicule biliaire, sac d'urine et du sang. Selon enn l'autre version dans Al Yanâbii' ena aussi l'anus.

Imâm Abou Haniifah رحمه الله dire : Du sang li Harâm basé lors preuve claire de Sharii'ah, les reste six li Makrouh (Tahreemiy) parcequ human 'naturellement' ena dégout et détesté zott. Et Allâh conne mieux.

(Al Jawharah An Nayyirah / Badâi us Sanâ'iy)